


鈕沙三元林氏家譜


卷二


林氏
族譜











奉

天承運


皇帝制曰考績報循良之最用獎臣勞推
恩溯積累之遺載揚祖澤爾林鳴玘
乃江南池州府銅陵縣知縣林光邦



之祖父錫光有慶樹德務滋嗣清白
之芳聲澤留再世衍弓裘之令緒祐
篤一堂茲以覃恩勉贈爾爲文林郎
錫之勅命於戲聿修念祖膺茂典而
益勵新猷有穀貽孫發幽光而不彰

潛德

制曰冊府酬庸聿著人臣之懋績德門
輯慶式昭大母之芳徽爾鄧氏乃江
南池州府銅陵縣知縣林光邦之祖
母箴誠揚芬珥璜表德職勤內助宜



家久著其賢聲澤裕後昆錫類式承
乎嘉命茲以覃恩貤贈爾爲孺人於
戲播徽音於彤管壺範彌光膺異數
於紫泥天庥永邵

制曰嘉績聿隆於報最奕世蒙庥慈徽

載著於勲封重闡襲慶爾黃氏乃江
南池州府銅陵縣知縣林光邦之繼
祖母珩瑀傳芳蘋蘩濟美溯貽謀於
閨則繼美益彰宏錫類於朝章推恩
竝厚茲以覃恩勲贈爾爲孺人於戲


鸞書賁彩晉昭一體之榮施馬鬣揚

休永表重泉之遺澤

奉

天承運

皇帝制曰求治在親民之吏端重循良教



忠勵資敬之忱聿隆褒獎爾林尚文
乃江南池州府銅陵縣知縣林光邦
之父褫躬淳厚垂訓端嚴業可開先
式穀乃宣猷之本澤堪啓後貽謀裕
作牧之方茲以覃恩贈爾爲文林郎



錫之勅命於戲克承清白之風嘉茲
報政用慰顯揚之志昭乃遺謨

制曰朝廷重民社之司功推循吏臣子
凜冰淵之操教本慈幃爾李氏乃江
南池州府銅陵縣知縣林光邦之母

淑慎其儀柔嘉維則宣訓詞於朝夕
不忘育子之勤集慶澤於門閭式被
自天之寵茲以覃恩贈爾爲孺人於
戲仰酬顧復之恩勉思撫字載煥絲
綸之色永賁幽潛

勅 誥

乾隆二十六年十一月二十日

之 寶



